



**Sarajevski žurnal za društvena pitanja (Sarajevo Social Science Review [SSSR])  
objavljuje poziv za dostavu radova za izdanje proljeće/ljeto 2016. na engleskom i bhs  
jezicima**

U časopisu će biti objavljeni znanstveni članci koji pokrivaju područje društvenih znanosti. Pored toga časopis objavljuje znanstvena saopćenja, istraživačke i autorske bilješke i prikaze knjiga. Svi radovi, izuzev prikaza, podliježu postupku dvostruko anonimnih recenzija. Novitet je dio časopisa koji je tematski i koji se ovaj put odnosi na politološko-komunikološki okrugli sto održan u julu prošle godine na Fakultetu političkih nauka u Sarajevu. Izlagači su se bavili pitanjima da li je populizam u BiH samo strategija (političkog komuniciranja) ili ideologija – desni ili lijevi, nacionalistički ili neki drugi populizam. Svakako da pozivamo sve ostale autore koji se bave pitanjem populizma na druge načine da daju doprinos ovome dijelu. Također, ohrabujemo studente da nam dostavljaju separate master i doktorskih teza. Časopis je indeksiran u Central Eastern European Online Library (CEEOL) i EBSCO (Political Science Complete). Napominjemo da neće biti razmatrani tekstovi koji su već objavljeni u nekim drugim časopisima. Rok za dostavu radova je 03. maj 2016. godine. Vaše radove možete slati na adresu: [valida.repovac.niksic@fpn.unsa.ba](mailto:valida.repovac.niksic@fpn.unsa.ba).

**UPUTE ZA AUTORE**

1. Opseg rada – bez bilješki, literature i grafičkih priloga – ne smije prelaziti jedan autorski tabak, odnosno 6.000 riječi u fontu Times New Roman, veličina 12, pored 1,5.
2. Svaki rad treba priložiti apstrakt na maternjem jeziku autora, u kojem su, u opsegu od 150 do 200 riječi, izložene osnovne ideje Vašeg rada, kao i 4 do 6 ključnih riječi.
3. U gornjem lijevom uglu prve stranice potrebno je navesti titulu, ime i prezime autora.
4. Navođenje tuđih sintagmi, ideja, podataka i sl. označuje se u tekstu, a ne u bilješkama. Izvor se stavlja u zagrade i sadrži prezime autora, godinu izdanja i, u slučaju citiranja, redni broj stranice; na primjer: (Parsons, 1975), odnosno (Etizioni i Lawrence, 1992:256). Oznake ""ibid"", ""op. cit"" i sl. ne koriste se.
5. Bilješke, koje služe kao dodatna objašnjenja, komentari ili digresije, označuju se u tekstu arapskim brojem, a navode se na kraju rada.
6. U popis literature koji dolazi iza bilješki a prije grafičkih priloga uvrštavaju se svi radovi navedeni u tekstu, i to abecednim redom prema prezimenima autora, te hronološkim slijedom za radove istog autora. Ako se navodi više radova istog autora objavljenih u jednoj godini, valja ih razlikovati slovom (a,b,c itd.) iza godine izdanja.
7. Grafički prikazi (grafikoni dijagrami i sl.) trebaju da budu u visokoj rezoluciju i numerirani. Veličina tabela ne smije prelaziti jednu stranicu A4 formata.
8. Literatura se navodi prema ASA načinu citiranja.